


5070
P.D. GOLENSIS
Oratio in obitum
Joh: Bielke
Hafniae
1598.



Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
Hielms. 3348 4° (LN 674 4° copy 2)



Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
Hielmst. 3348 4° (LN 674 4° copy 2)



Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
Hielmst. 3348 4° (LN 674 4° copy 2)



Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
Hielmst. 3348 4° (LN 674 4° copy 2)



Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
Hielmst. 3348 4° (LN 674 4° copy 2)

No 3348.



= LN 674

EX. 2

3310.
DE LUCTU MINUENDO EX
currentis seculi perversitate:

ORATIO BREVIS:

SCRIPTA

IN OBITVM

GENERO SI ET
PRÆCLARÆ SPEI JV-
VENIS, JOHANNIS BIELKE.
Illustris & Magnifici Domini TVRONIS
BIELKE, &c. filij: ex corruptissimo hoc
seculo in cœlestem illam Academiam
abiturientis 18. Novemb.

Anni 97.

à

RODOLPHO GOCLENIO, MED. ST.

Autor Momo.

Rumpantur dentes, rumpantur & Ilia Momo
Felle venenato qui horrida verba linit.

HAFNIÆ, EX OFFICINA TT-
pographica Henrici Wald-
kirchij. 1598.

EPITAPHIVM GE-
NEROSI JVVENIS,
JOHANNIS BIELKE.

S Iccine BIELKORUM grata & generosa propago
Hinc migras? patrios fines & dulcia rura
Linquis? ad astra poli & clarissima limina cœli
Longius excurrens? te forsè amabile fatum
Traxit, & invito haud tibi clàm calcaria subdit.
Sed malè quàm factum? præstans spes concidit; eheu!
Saturni nam frigus iners, & Martis iniqui
Ardor in exortu feriebat Lumina juncta,
Infaustis radijs simul ascendentibus: ô quàm
Claræ virtutes nimiùm properantia fata
Eripuere? D E I fruitur nùnc vultu animoq;:
Hoc tantùm tumulo requiescunt molliter ossa.

Lugens & lubens f. Rod. G. jun.



2510

AD DEFVNC-

TI FRATREM SV-

PERSTITEM, NICOLAVM

BIELKE, JUVENEM PRÆCLARÆ

indolis & summæ spei, Rodolphi Go-
clenij jun. adhortatio con-
solatoria.

FRATREM AMISSUM, NICOLAË carissime, non est dubium quin lugere desinas, si modò te hominem esse memineris: itaq; in cohortando te de luctu abstergendo non ero multus, ne rem consopitam quasi irritare videar. Tantùm in hoc incumbe, ut, quoniam tibi nasci contigit ex ea familia, in qua semper verus honor, splendorq; virtutis eni- tuit, nihil humile, nihil obscurum aut inane cogites, & exorientes quasi fratris tui virtutes ità assumas, ut etiam perficias: excelsa petat animus tuus & illustria, quò te ardor naturalis, quò DEI & Præceptoris vox, quò pater tuus omni scientiarum genere exultissimus, quò majorum tuorum exempla, vocant: da, in- quam, operam, ut novum in familiam tuam decus inferatur, plæclaramq; consuetudinem, quam omnes in te miramur, artium expetenda- rum, retineas. Macte egregiæ spei adolescens, perge in hoc præclaro studiorum cursu, & pa- tri tuo tām tui amanti, tām libenter omnes suas

A 2 curas

curas & cogitationes in te consumenti , quicquid reliquum vitæ est , fac , ut id per te sit jucundissimum : quod ita facile consequeris , si in ijs artibus , quibus nunc operam das , ita proficias , ut aliquando multis alijs , æquali nunc tecum ætate , elegantia sermonis & rerum usu antecellas . Vale diu , sed D E O & Musis . Forsæ ,

Anno 97. 24. Novemb. calamo otioso
quidem , sed à Musis re-
motiore , &c.



ORA.

ORATIO.

Nemo vestrum, Viri Illustres, Magnifici & Reuerendi,
Generosæ Heroïnae, nobilissimi juvenes, castissimæ virgi-
nes, & quisquis præterea hic confluxisti, honoris causâ,
credo est, qui in dubium vocet, quod à majoribus nostris institu-
tum est, temerè id esse prætermittendum. Fuit enim sapiens anti-
quitas, & omnia, que ad Reipublicæ salutem pertinent, graui san-
xit consilio. Vnde ab Imperatore Iustiniano merito veneranda dicitur:
Nam in lege quadam scribitur, reuinendus est mos fidelissima vetusta-
tis: Et antiquus ille Poëta Ennius, Moribus antiquis res stat Romana
virisq;. Instituerunt autem veteres inter alia honesta studia, exercitia
declamandi & perorandi. Quare non fuit mihi faciundum, ut hoc
optimum majorum institutum à me neglectui habitum videretur: sed
putavi, me ex hoc loco amplissimo, quamvis nihil dignum prestare pos-
sem, de utili argumento, luctu videlicet minuendo ex præsentis seculi
malignitate, commode dicere posse. Causam dicendi præcipue dedit ex
intimis mibi sensibus carissimus, JOHANNES BIELKE, im-
maturâ prorsus morte præuentus. Quid ais? valde me percußisti tām
graui nuncio? JOHANNES BIELKE, juvenis vernali cor-
pore, majorum suorum stemmate, & propriâ virtute clarus futurus,
adolescens fortuna & ingenij ornatus bonis, quid inquam, ereptus ille
repentè nobis est? o miseram humanae vitae conditionem? quām omnia
infra Lunæ orbem mutabilia? quām omnia fluere & labi à mane ad
vesperam videmus? quām facile hunc & illum, florentem opibus, flo-
rentem etate, repentina ausert mors? Sed dic, amabo te, mihi, juve-
nis præclaræ spei ac indolis occidit? animusne eum reliquit? vitam ante
tempus amisit? o acerbum, o crudele fatum? o iniquam mortem,
que florem maximarum virtutum nobis abstulit? jam enim exorientis
virtutis & industria fructus ostentantem, quis tām iniquè & inhu-
maniter extinctum non ferat iniquissimè? Verum humana, que sunt hu-
maniter, sunt ferenda: neq; dubito quin luctum lucū abstergamus, si
præsentis nostri seculi peruerbiatem consideraverimus: immò gratulari
potius debemus optimâ præditis mente, ex huius mundi teterrima cali-
gine, ad celestium beatissimas animarum sedes commigrantibus. De
hoc igitur mundani status genere breuiter mihi differenii velim aquo &

modesto ad suis animo : siquidem nullius neq; famam neq; existimatio-
nem oratio mea attinget. Prncipid certum est , nihil in hoc mundo
magnum esse , nisi animum magna despicientem , quemadmodum sa-
pienitissimè dicitur à Philosophis : adeò autem mutabilis est hominum
status in hoc mundo , ut vel sapientissimi quiq; , quod sibi bonum sit , elige-
re , quod contra malum sit , effugere nesciant : & si cogitemus , unde si-
mus , quid simus , quâ de causâ simus , reperiemus utiq; , quod principium
nostrî est oblivio , medium labor , finis autem dolor & manifestus error.
Quod Neotidas Philosophus aliquandò rogatus , consilium quod quis ca-
pere posset , quale nam esset omnium optimum , confirmare etiam visus
est : illud enim id esse respondit , quod quis , suo proprio contemto cape-
ret ab alio : cuius responsonis hanc afferebat causam , quod humana
naturæ depravatio sit tanta , ut unusquisq; semetipsum querat in primis ,
cum tamen sese reperire non possit , quod auxilio boni in alieno delite-
scentis , destituatur : unde ipsam vitam nos decipere , persecutionibus
vexare , redarguere , & meritis tandem molestijs nos sepeliri , quis est qui
inficias ibit ? Id ipsum luculentius muliò Plato sensisse videatur , qui die
quodam rogatus , ubinam omnium maximam frugalitatem & vita tran-
quillitatem deprehenderet ? nullus est , inquit , in mundo status , qui mu-
tatione careat : nullus honor , qui periculum adiunctum non habeat :
nullæ divitiae , quæ , ut labores molestiaeq; majores non suscipiantur , effi-
cient : nulla prosperitas , quæ non finiatur tandem : nullæ delicia , quæ
non deficiant : ô diuini Philosophi praelaram sententiam ? hâc nimi-
rum docere voluit , quod nos , quamdiu sumus mundo addiciti , desidere-
mus omnia , probemus omnia , procuremus omnia : sed omnibus benè
visis & degustatis , nos omnes omnium causa coquamus & maceremus.
Maxima autem insatiabilis desiderij nostri pars oritur inde , quod no-
strum multum parum , & alienum parum nobis in contrariam partem
videatur esse mulum : nostram enim felicitatem molestiam , alterius
verò infortunium quietem nuncupamus . O mille erroribus implica-
tam vitam , & infinitis propterea periculis expositam ? In mari nauiga-
re , periculosem est , in terra verò ambulare , iadiosum : ad ipsam verò
vitam , si quis oculos convertat , is uno & eodem momento sano corpore
præditos in morbos incidere , & ex his alios vitâ privari , alios lethali
angore liberari , alios deniq; diu languere & confictari comperiet : dum
hic est fortunatior , ille miserior euadit : dum ille per favorem excipi-
tur ,

lur, hic excluditur. Quare ridendi sunt potius quam refutandi, qui di-
vitias in hac vita, qui fortunam, qui homines proponunt, caduca enim
h.ec omnia sunt & incerta, & non tam in nostris consilijs, quam fortu-
n.e temeritate posita, quemadmodum hoc testatur doctissimus Laetan-
tius, lib. 7. cap. 27. Bona ista fallacia migrant quotidiè, & multo
velocius exeunt, quam intraverant, & tamen si liceat nobis ad ultimum
usq; illis frui, alijs certè sunt relinquenda. Quam sententiam & Augu-
stinus confirmat super Psal. 59. Miror mortales jactare de ijs rebus, à
quibus plerumq; aut vivi deseruntur, aut mortui. Item, Basilius Psal. 62.
verissimè dixit: Fluit opulentia, & torrentis instar præterlabitur, sub-
indeq; Dominum mutat: honor verò vel similitas est, vel non diutur-
nus, ut ostendunt exempla magnorum virorum, qui ex altissimo digni-
tatis gradu in acerbissimas calamitates deiciuntur. Et doctissimum ex-
tat Poëma Empedoclis Physici, in quo leguntur hi versiculi:

Iungit amor quandoq; clementia & semina rerum,
Dissiliunt odijs eadem certantia rursus:
Sic res gignit amor, sed non durabile quicquam
Nascitur, inq; vices mutantur cuncta subinde.

Item, Jacobi Mycilli elegans Epigramma de casu mundi:
Scilicet ex omni mundus jam parte senescit,
Intereunt homines, regna polusq; ruunt.
Rarescit virtus, verus jacet ardor honesti,
Corrumpt morens ipsa senecta bonos.
Cessavit pietas, rectum cessavit & æquum,
Et stat in extremo jam ruitura fides.
Quin etiam tellus vietum lassata recusat,
Raraq; de multis spica refertur agris.
Et sua confectæ claudunt jam brachia vites,
Et minus à prælis musta frequenter eunt.
Vndiq; deficimus, quid nunc nisi tempora restant,
Quæ videant flammis cuncta perire suis?

Mulii & nostræ etatis Theologi, Philosophi, Iurisconsulti &
Medici, hoc unico vitio, quod reliquorum omnium fons est & origo, quo
singuli sibijs placent vimium, fascinati, multarum noxarum in hoc
mundo

mundo causa sunt. Theologus de vita sanctimonia narrat, & dono castitatis, ago tibi gratias, mi Domine, quod non sum sicut ceteri homines: Philosophus de judicio rationis & rerum inveniendarum felicitate jactat: Medicus de temperantia & quam felix sit in curandis agris: Iurisconsultus deniq; de jure & aequo, quod omnibus præstare pollicetur, differit. Sed hi naribus admoveant ad corrigendum cerebrum, idq; ad symmetriam revocandum divini Platonis diambram, proxima queq; loca sua vi & efficaci odore complementem, ejusq; descriptio, lib. 5. de legibus proponitur talis: Omnum, inquit, malorum summum nobiscum nascitur, quod videlicet unusquisq; sibi amicus est natura, suisq; opinonibus declaratur: ex quo fit, ut non recte judicare possit ea, quæ bona sunt & præclara, cum antecepitis opinionibus & amore nimio suipius impediatur: neq; enim magni viri est se suaq; immodicè amare, sed acquiescere in justè factis, sive proprijs, sive alienis: nam hoc errore obseci putant se multum sapere, cum tamen nihil vel parum intelligent, eumq; omnium rerum scientiam sibi arrogant, nolunt artificibus credere, atq; hoc modo turpiter hallucinantur. Hac tenus Plato. Vnde confituum est ambitione nihil esse pejus, quæ divina & humana simul confundit, quæ florentissimis regnis & civitatibus fuit exitio, quæ sola cum templo & scholas irruperit, plurimum nocet, sciam exercens tyrannidem: sed quam tristis his impendet & calamitosus exitus? annon Hippolytus Thesei filius præstans adolescens, ut in fabulis legitur, à Neptuno interficitur, ob nimiam propriæ virtutis fiduciam & numinis contemnum? Cum enim castitatis dono divinitus esset ornatus, ad superbiam & fastum eo est abusus, quare punitur divinitus: talibusq; exemplis nostra secula abundant, & possem nominare nonnullos, quos, ne palpare videar, omitto. Quanto verò modestius Scipio Hannibali in sua oratione dicenti, maxime cuiq; fortuna non credendum, respondet, ad me quod atinect, & humana infirmitatis memini, vim fortunæ reputo, & omnia quecumq; agimus subjecta esse mille casibus scio. Sed hujus generis anfractus missos faciens ad propositum me converto. Quid enim opus est verbis? attende parum, & exigui temporis auscultationem mihi non denegato: expediam me paucis. Est revera hoc nostrum seculum omni flagitorum noxarumq; genere refertissimum: libido, luxus, licor, ira, invidia, avaritia, malignitas & crudelitas, ubiq; tenent prius: quid queris? Stupra, rapias & fornicationes ludi sunt, & matres nonnum-

5570.

nonnunquam filiorum sunt lene: probis quisq; opprimitur, pessimus
quisq; provehitur, simplices irridentur, justi vexantur, audaces & im-
pudentes eriguntur. Vis plura? quicquid uspiam est vel fuit teterri-
marum beluarum perversitatis, id omne in praesens seculum tanquam in
unum corpus confluisse videtur: longe enim lateq; serpit ferocitas Leo-
nis, saevitia tigridis, irucentia ursi, temeritas apri, superbia equi, ra-
pacitas lupi, fraudulentia vulpecule, & versutia Chamaleonis: in
vita vero que mundi quasi exemplar est, timiditatem leporis, petulan-
tiam hirci, mordacitatem canis, immundiciem suis, deserationem Ele-
phantis, vindictam Cameli, stoliditatem asini & scurrilitatem simi-
manibus fere deprehendimus: omitti furentes Centauros, triformesq;
Chimeras, insanientes satyros, voraces gryphos, rapaces dracones,
perniciosissimos Basiliscos, & quicquid portentorum monstrorumq; eius-
modi uspiam existit. Virtutes patiuntur carnifex atq; tyrannos: ar-
tes humaniores cum Domina sua Philosophia, qua ut Hesperus aut Lu-
cifer inter sydera, sic ipsa in mundo & actionibus nostris pralucet, ex-
ultant, nec locum habent, ubi consistant: o temporis iniquitatem? vir-
tuti & artibus liberalibus deeritne ornamentum? neq; jus jam valet,
neq; autoritas? cultus divinus & jura divina tolluntur, quibus sublati
locum retinere diutiis nec honestas nec piezas potuit? perijt fides &
omnis inopia sublevand.e consuetudo? Sed quid juvat multis acclama-
re? nunquam tamen vel periandros quosdam, vel Clotarios, Constan-
tinios Imperatores, Nerones, Euandros, Heraclitos vel Nicomedes, qui
furore immanissimo accensi parentes vitâ priuârunt: nunquam Me-
deas, Althæas, Deuterias vel Pontias Romanas, aliasq; liberorum suorum
interfectrices: nunquam Clytemnestras quosdam aliena libidine incen-
sus, virosq; trucidantes: nunquam Siculos Gnatones, Sardanapalos,
Vitellios, Galbas, Demetrios, Archesilaos, gule proceres strenuissimos,
quibus Deus est venter: nunquam Canippos Syracusanos potu largiore
victos stupraq; filias contaminantes: nunquam Lucianos, Leones Impe-
ratores, Decios, Valerianos, Diocletianos, Nerones, Aetios, Ammo-
nius, Apollinares, Arrios, Eudoxos, Menandros, Nestorios, vel Eu-
rychetas, qui omnes in Christianam fidem, honesta studia, patriam &
parentes immanissima rabie sevierunt: nunquam Alexandros Phareos
quosdam, quorum in Thessalia tanta fuit crudelitas & Tyrannis, ut
homines in pelles ursorum & aprorum insuerent ad illos dilacerandas:

B

nun-

nunquam Dionysium Tyrannum , quem post plebem oppressam tantā
timiditas invaserat, ut cuitros timens tonsorios carbone candente capil-
los sibi adureret: uec ipsos deniq; Turcas, vel ex his quosdam, neq;
pro gloria & patria, ut Pyrrhus, neq; pro Imperio, ut Alexander, di-
micantes, oratione hac mea meliores reddo unquam: ita enim desi-
piunt, ita ipsi se ignorant, ut in sinu quasi sibi gratulentur: interim ta-
men non vident, dum se tot laboribus macerant, dum quasi labyrintho
infernali sese implicant, quem connodant tigrides, basilisci & infernales
furie, dum se ita ab humano commercio reddunt alienos, se mortem in-
gratam habituros & diram. O tempora? o mores? Sed quid, queso,
mi optime lector, putas esse, quod me de nostro seculo aperire liberè de-
ceat? si de bonitate & veritate vellem id commendare, essem apertus
mendax: si de prosperitate & sanitate vellem, reclamant pestifer &
gallice inquisitiones, que aded sunt familiares, ut etiam pro commu-
nibus febris habeantur: si de sobrietate vellem & continentia, obstat
Bacchus, qui mortalium hodierno seculo Deus est: si de castimonia fæ-
minarum vellem, video in mundo adulterio nihil existere frequenius:
si de hominibus deniq; vellem suo contentis, non possem utiq;, cum non
solum aurum & argentum in fodinis investigent, verum etiam ipsius
querendi causâ ad ipsos Indos & Garamantas usq; excurrant: pro-
fecto ut ab arbore planè exiccata, & vinea planè congelata, à fructis
planè immaturo, sic & ab hoc seculo tam suspiciose & maligno quid
queso aliud preter malum expectare possumus: seculum enim quod nunc
est in pomarijs suis nihil præter spinas, in arboribus nihil præter folia,
in vineis nihil præter labruscas, in thesauris verd suis præter alchymicas
quædam nihil habet amplius. Thesaurarij verd hujus seculi sunt pana-
cæ consolatores & Chymiste, qui ex sulphure & hydrargyro percoctis &
contemperatis aurum consolari posse contendunt, cum tamen id nullis
ignibus, nulloq; artificio, cuius rei locupletissimum habemus testem
ipsum sensum & experientiam, assequantur. Sed quid tandem pro la-
boris præmio reportant? inauratum patibulum, in quo corporis sui gra-
vitatem strangulato collo metiuntur: sic enim transit gloria mundi:
sic mundus vult decipi, quando novis inventionibus, novis ludis, novisq;
falentibus obrectandi modis delectatur & capitur. En igitur quam
triste sit nostrum seculum, quam calamitosus vita nostra status: certè
non minus ille periculosus putari debet, quam via quadam lapidibus ad
cesspi-

cessitandum referta, quām volutabrum ad polluendum, quām glacies
ad cadendum, quām aviaria ad aberrandum: enī quam vitam quae
tot ad expediendum habet negotia, ut difficulter admodum quid vult
aliquis, eō visu pertingat, tantum abest, ut, quid cogitationibus cupit, eō
perveniat. Cum igitur nostrī seculi tanta sit perversitas & iniquitas,
quis vitam sibi diutius prolongari desideret, & in tanti fluctibus nature
exoptet, cum propter incertas spes aut metus sapè labamur. Herodes
metuens regno pueros jubebat interfici: sic multi metuentes crescentem
potentiam alterius obīciunt impedimenta, & quoquo modo ejus vires
carpunt: ubi teneatur praeceptum Philosophi, ut in praesentia rectè fa-
ciamus, nec propter futuras spes aut metus à regula discedamus. O
quām sapienter hoc à Philosopho dictum est: o vero beatos & felices,
qui sic vitam instituunt, ut neq; propter futuras spes, neq; propter metus
ab honestatis & veritatis regula aberrantes desperabundi tandem vi-
tam cum morte commutare cogantur. Nostris temporibus si qui sunt,
qui prudentia, magnanimitate, rerumq; gerendarum sagacitate reli-
quis eminent & excellunt, illi viventes tamen audiunt pessimè, publicis
insidijs & calamitatibus anguntur, nec ab odio aut maledicentia sunt
immunes, vel in medio etatis cursu, vel in ipso flore juventutis iniquissi-
mo fato abripiuntur: exempla ubiq; suppetunt: sed contenti simus hoc
uno, quod non ita pridem, nescio quo fato, in ipsa vernali & florente
etate extinctus est JOHANNES BIELKE, juvenis maxi-
marum virtutum qua in ipso ceu Luna constituta in horoscopo, eluce-
bant, illustri familia natus, Magnifico patre, Heroina matre. Quid?
non longius evagari & animo peregrinari opus est: persequere majo-
res cogitando que fuerit eorum in pace justitia, in bello virtus: si atten-
des, nihil ad gloriam domesticam requires: si ad defuncti familiam &
domum animum referas & mentem, eminere videbis patrem Turonem Turo
Bielke omnium doctrinarum peregrinarumq; linguarum genere (absit Bielke.
livor, absit grata captatio cum arrogantia) instruēssimum, magni
animi, summi consilij virum, consiliorum Serenissimi Regis Sigismundi,
unā cum fratribus dybus Hogenschildio & Nicolao Bielke, viris
omni seculorum memorā celebrandis, & participem & adjutorem,
eujus nomen nullo silentio damnatum apud omnem posteritatem predi-
cabitur. Quid multa? Cum Bielkorum familia oriuntur virtutes,
crescunt & propagantur: Bielkorum igitur nomen nulla unquam etas

B 2

conti-

Suantho
Stüre.
Steno.
Stüre.

conticeset, nulla delebit oblivio. Matris familiam si spectes, an non
Stürorum religio & rei militaris scientia omnium approbatione spe-
cta & probata vehementer est? Quis Suanthone Stüre, comite in
Stockholm & Vesterwyk, regni consiliario & Marischalcho, in con-
silijs dandis & accipiendo fuit clarior & humanior? Quis Stenöne
Stüre, regni Sueciae prorege, equitate & virtute bellica, quā sua etate
parem forsan aliquem, superiorem verò habuit neminem, prestantior
& celebrior? fortiter enim pro patria dimicans, Sueciā bello oppressā,
globulo aeneo, nescio quo importuno fato, percussus occubuit, quo lapsus
parum absuisset, ut regnum Sueciae libertate perdita corruisset: & tan-
tum roboris fuit in uno viro situm: possem & alios hujus praeclaræ gentis
invenire, quos tamen omittit, contentus ijs, qui proprius ad etatem no-
stram accedunt: hoc tantum pro decreto asdo, quod Stürorum & Biel-
korum nomine, in multis multorum vocibus partes dissipato, non Suecia
tantum, sed & finitima provincie personant. Cum igitur omnium vir-
tutum exempla apparent in tota familia, cur insignia virtutis in de-
functo quoq; nostro non eminerent? Sed perijt, prob dolor, qui fami-
liam suam, qui patriam ornare vehementer poterat & laudibus illu-
strare: hoc enim expectandum ab ejus virtute fuit: perijt inquam:
jure commovemur: agre enim divellimur à naturâ conjunctis: mo-
rori ignosci potest, nec tamen si modum excedat laudandus est: dolere
enim filij interitu patris vel matris est, modum autem & finem doloris
non constituere, hominis non est: erepto ante maturitatem fructu,
quando hoc singulare non est, sed commune cum multis, modice fera-
mus: audiamus sententiam Basiliij in concione de Eucharistia: querat,
inquit, aliquis, cur C H R I S T V S resuscitatus Lazarum lacrymas
tenere non potuerit, cum quidem res ipsa deplorationem non adeo po-
stulârit? Sed manifestum est, quod omni ex parte volens opem ferre
nostræ imbecilitati, modum quandam & terminum affectibus naturali-
bus constituerit: nam indolentiam tanquam immanem & à naturâ ho-
minis aberrantem vitavit, & nimiam animi molliciem, que lacrymis &
lamentationibus nequit expleri, fugit & reformidauit. Quare cum
amicis in ritem lacrymis prosequeretur, societatem naturæ humanae ostendit,
& nos ab excessu in utramq; partem revocavit, ut neq; frangamur
ac debilitemur affectibus, nec sine sensu doloris vivamus. Item, August.
tract. 6 o. in Iohan. Perceant, inquit, omnia Stoicorum argumenta,
qui-

330.

quibus in sapientem cadere perturbationes animorum negant, habeant
eas justas de causis Christiani, nec Stoicorum consentiant errori. Et
Cic. in 3. Tuscul. Minime assentior his qui istam nescio quam indo-
lentiam magnoperè laudant, quā nec potest esse ulla nec debet. Quare
itā dolendum est, ut tamen doloris finis sit aliquis: illo enim excedente,
nec remittente, contabescere multos videmus & prorsus interire, quia
cor, affectum sedes, torrefit, spiritus redduntur debiliores, & langue-
scunt totius animati vires, humidum radicale absuntur, quo depasto,
perit omnis calor, & tandem vita, qua in calido & humido attempe-
rato consistit. Causæ enim extinctionis natuvi caloris sunt secundum Ari-
stotelem & Medicos, motus cordis & affectus immoderati, ut dolor,
irrititia, curæ mordaces & edaces, metus, ira, calorem vivificum de-
repente sèpius extinguentes non secus ut aqua ignem: & multos sicut ex-
pirasse historicorum autoritas contestatur. Quid? an non Eli summus
sacerdos & judex morore repente concidit, certior factus de filiis una
cum 30000. Israëlitis à Philisthijs interemptis? Diodorus Cronus,
logicus insignis, an non morore absumptus fuit, cum Stilponis Sophisti-
cam questiunculam ex tempore solvere non posset? Plinius lib. 7.
cap. 53. Sic & Homerus doloriflico cordis affectu absorptus dicitur,
cum pescatoribus hoc enigma proponentibus, Quocunq; cepimus relin-
quimus, & quacunq; non cepimus habemus, explicare nesciret? intel-
lexerunt autem pediculos, quos captos reliquerunt, non verò depre-
hensos retinuerunt. Eodem mortis genere obiit, ut testatur Guido Li-
via Drusilla de mariti sui cœsaris Augusti morte certior facta: Et Iulia
uxor Pompej magni, aspiciens vestes quas Pompejus in comitijs adili-
tijs sanguine pollutas domum miserat: forti enim imaginatione ducta
maritum vel lethaliter vulneratum vel vitam miserè perdidisse, ex
abrupto decidens animam emisit. Quid? quod ex contrario etiam
sensu multos perijisse historicorum libri affirmant. Plutarchus in vita
Hannibalis & Valer. Max. lib. 9. cap. 12. mentione in faciunt de ma-
tribus binis Romanis ex immodico gaudio repente mortuis, vissis filiis,
quos prius ad lacum Thrasimenum ab hostibus imperfectos perhibebant:
inusitatus sanè casus, quas dolor extinguiere non potuit, letitia consump-
xit. Eodem prorsus genere mortis occidisse Philippidem Comicum, So-
phoclem Tragicum & Cratinum Poëtam, ob triumphum quem ex Co-
mœdijs & Tragœdijs gravissimè actis reportarunt præ multis alijs,

B 3

testes

restes sunt Gellius lib. 3. cap. 15. Plinius lib. 7. cap. 53. Valerius Max. & alij, Quae cum ita sese habeant, unica tamen, ut opinor, consolatio superest, quam & parentibus & amicis in luctu demortui abstergendo scio fore gratissimam, quod ex miserrimo hoc & corruptissimo seculo pia in D E V M affectione & mente in celum evolárit: qui enim sic discessit cur eum lugendum putemus? quam sententiam insigniter confirmat Socratus ille Philosophus Antisthenes, qui interrogatus, quidnam apud homines putaret beatissimum, respondit, felicem mori. Et Cio. 4. Tusc. Mori nemo sapiens miserum duxit. Item Seneca in lib. de brevitate vit. quid novi est hominem mori, cum tota nostra vita iter ad mortem sit: cui sententiae non incommodè annexitur Plautinum illud, quem Di diligunt, adolescens moritur: an igitur mori quasi turpe aliiquid reprehendemus? quod si non turpe, nec dolendum, nisi quis ita vixerit, ut nihil unquam homine dignum praestiterit: quod tamen à nostro piè defuncto absit longissime: virtutem enim & studia amavit mirificè, & me præceptorem sapè, quod in juvenibus rarum est, officijs admonebat mei: parentes coluit intimis sensibus, eosq; à se offensos, quacunq; ratione si non reconciliare exemplò poterat, dolebat acerbissime: erga præceptores humanitatis exemplum, ita ostendit, ut nihil in eo desiderari amplius posset: cum fratre & sorore erat coniunctio animorum arctissima, conveniebant sensus, congruebat voluntas: animo erat simplici & puro, nullâ simulationis aut malevolentie arte suffuso & obducto. Neq; verò aliter se gesit in extremo vita die, quo, acerbissimo, quamuis & acutissimo correptus morbo, tacitè tamen & ex intimis erga D E V M sensibus aliquoties secum ipse exclamans, sic D E V S dilexit mundam, ut filium suum unigenitum daret, &c. materterè postmodum interroganti, num vita & lucis hujus usurâ diutius frui gauderet, imperterritò animo respondit, sibi in votis esse nihil amplius, quam beatissimos D E I beatarumq; mentium sermones regustare: mente deniq; ad D E V M erectâ tanta cum constantia expiravit, ut omnes astantes non in admirationem tantum traheret, sed exemplo etiam commoveret. Salve decus cœli, amor & delicia beatarum mentium: gratulamur tibi, quod ad eam urbem commigraveris, que sola in virtute Domini morientes excipit, exceptos laudibus ornat sempiternis: nos, inquam, quibus exorientes tuas virtutes ostenderas, lœti tua dignitate cœlesti, mœsti discessu, te prosequimur abiturientem, favemus animis,

8

animis, precamur linguis: I decus cœli, & jucundissimo illo conspectu
D E I fruere, donec & nos vita perfuncti, educiti ex hac rerum teterri-
marum caligine, & in illa sempiterna luce collocati,
tecum omnibus bonis circumfluente,
conjugamur.

D I X I.



HAFNIAE;
EX OFFICINA TY-
POGRAPHICA HEN-
rici Waldkirchij.

M. D. XCVII.

IXI D

YHWH
YAHWEH
YAHWEH
YAHWEH

YAHWEH

